

KOBLENZ

Koblenzer Mundart

Aprel

Sonneschein on Räjetropp,
Ostewend on Frehjorsstorm
dohn ons omenanner foppe,
brenge ons ganz aus de Form.

Es och wechselhaft dat Wedder,
einmol dunkel, einmol hell,
han die Bäum och noch kein Bladder,
denk dran, denn et es Aprel!

Spätestens su en vier Woche
hat dä Frehling Macht gewonn,
flott wiere die steife Knoche,
komme widder an die Sonn.

Fruh dohn mir dä Lenz begrehße,
iwerall en Wald on Feld,
Krokus bliehe, Knospe spreßße,
scheener wierd fier ons die Welt.

Jeder soll sein Last abwerfe
on eraus en't Greene ginn,
soll sein schlechte Laun entschärfe,
neu erfresche Herz on Sinn.

Doht am Frehling euch ergötze,
Bliehte, die verwelke schnell -
Scheene Daach die soll mer netze,
eh dat Lewe säht: „Aprel“!

Kath. Schaaf

„Lied“ von Max Halke

April 1966